

طار الحمام



طار الحمام

وانا ما بطرشي

واطير ازاي والريش منتوف

هزبت ملامحي من وشي

والناي بينقش على فرشي

موال حروفه بطعم الخوف

و الغصن مايل على عشي

ف عيونه دمه ما بتنامشي

والليل بيخطف من رمشي

شطين أمان على حبة شوف

مسجون يا حلم ف سقف الروح

تنزف آهات وبحور م النوح

صابر وصبري ما يحلمشي

والضلة ناشفه على جلدي

والجلد ناشف زي الريق
يا خطوه تايهه في العتمه
شريان طريقي ماليه الضيق
مشتاق يا حضني للضمه
لفرح الضلّه باللمه
وليل الغربه ع الإمه
مغرّبي في أوطاني
يانور العدل بالذمه
أشوف ضيّك
ف عنواني

....